

四庫全書

集部

欽定四庫全書

集部

石倉歷代詩選卷四百

八十六至
九十

詳校官石中允臣薩敏

侍讀臣孫球覆勘

總校官進士臣朱 鈐

校對官編修臣秦 泉

謄錄監生臣李世麟

欽定四庫全書

石倉歷代詩選卷四百八十六

明 曹學佺 編

明詩次集一百二十

徐威

雜詩

顛倒夢魂中無像成有像無山見變魑無水見罔象無
火畢方橫無木枸杞藏無滂商羊奔無旱神馬降無病

豎投育無過彭訴上雄虺首岑岑竒鶴頭嶙嶙二客鶴
翩翩五女石骭髀墨精冉冉行竹男喤喤向不動講堂
種冥然千百狀周公不可詢覺來空惝恍持燭照人間
熟眠無耆壯怪事何足書一尊乃清貺自古天道公可
怨在不言日月諱明明雨露諱欣欣霜雪諱慘慘雷電
諱煒煒唐虞暨周孔誰作不諱人漫漫一大夢口舌無
常存今人不如古時不分朝昏氣不分燥濕情不分怨
思法不分威賞朝夕趨饗餐吾願天有口諄切誨八黃

貪婪誨之義殘忍誨之仁庸悞誨使絀才猷誨使信六
經休講魯百家可歸秦無令知天者醒然亦如醺

更鼓

朝撾東方日夕撾西方月日月撾不窮撾落人頭雪後
山煙火生前山煙火滅侵曉桃花紅夜半風瑟瑟秋雨
滴梧桐年年長柯葉感此發長嘆萍鄉信膚說

君子有所思行

命駕出城郭局局遐作觀南伐蘇冢木北采背峪蘭東

濯激浪河西登懸鼓巖遊覽不稱意臨風發長嘆谷口
子真隱巖下傳說官閑由有本性天道乃相干我欲焚
我筆墮我肺與肝蕭然死灰場庶以除剗剗

五遊

仳仳甕盎中躍然懷高遷焚輪駕我騎挈貳挾我羈約約
縱我勒逍遙橫八埏登陟中天臺徘徊崑崙巔晃晃金銀構
輝輝珠玉楊袪逐化人舞曲隨王母編渴將絳雪進飢奉碧
霞前吞嚼同沆瀣遠避螻與羶我髮黑猶漆龜鶴齊長年

美女篇

我家江之右桀構龍洲南裁衣并織素自年十二三瑩篋不足理詩書乃所湛時有夸毗女投悅來相參越白面黥黥楚娃耳耽耽縮爾謝娥遯醜然西施慙我有玉跳脫結腕固相堪我有金爵釵頭上雲髻鬋庸人多外悅君子或內探不幸入無鹽媒氏叢戲談撫膺空長息乾坤失泓涵

獨酌亭歌

我飲酒飲一斗不問杜康有奇方儀狄有好手不問程鄉千里

無給園三昧否我飲酒飲一斗若李翰林能上船若馬臨卽
能滌缶若王刺史能愛賢我當再拜結良友尊前論語半
部書十二三時隨吞嘔閉門終日有誰知獨酌無慙酒一斗

遊懸鼓崖歌

鄖西縣南懸鼓崖莽蒙蒙兮條黥黥有狐綏綏幸有窟
有虎眈眈同招豺基治有人不愛道信謂真武承仙階
安能齷齪居壘澤祗是婆娑橫天街左鞭右笞血赤子
勇刀乃脂割乃腩豈知禹迹嚴山旅亦有虞廷對天牀

學官讀書諳民社
平山有仙終可懷
樊遲已蒙宣父教
寧謂桃源無垠涯
涼風吹菊映重九
尊前獨泣文章乖
萬方未得除舊青
高步許於桓景偕
宿煙已銷輕霧歛
玲瓏布鞵投青鞵
左瞰天河孤燕尾
右視蘇坡雙彭排
前山有農百煙火
後山無名重氛霾
清風隨我白馬蹄
二三墨客為良儕
對酒思為孟陽友
哦詩要與靈運諧
森森槁木乾欲舞
恰恰飛禽啼如俳
山人再拜來謝我
此地逢君名始佳
广下有人來造屋
焚香莫御太和輶

崇祈當見雨隨轍
燾祭須令塵蔽轍
一行便寄百年跡
石巖巖兮誰孔皆

蘭室歌

我聞有客來瀛島
贈君一本無名草
九天沆瀣洗逾香
萬里扶搖吹不老
奴薜荔兮婢女蘿
甲馬營中無襁褓
試向屈原騷裏尋
又對文王琴中討
始知此草有芳名
古來君子同生道
翻翻新茁馬氏兒
穆穆還為謝家寶
君今移種讀書堂
春風秋露長相保
聲名都在此中傳

不必區區問商皓

竹軒歌

桃花爛爛鋪春色綠柳江頭總堪折
回看庭下青篋簪誰與窮年伴霜雪
萬竿直拂青雲端脩脩鳳尾凌輕寒
六月五月不知暑來此枕簟宜盤桓
忽然夢到湘江上湘妃掩袂啼相向
東遊晉室訪清談嵇康盥櫛留輪兩
自覺紅塵不入我簾櫳茅草不入我心胸
一尊常嘯清風中惟有此君臭味同

樂丘短歌

君不見泰華峰頭涓涓溜直到尾間天盡頭又不見白
雲觸石便成雨只如蜃氣能為樓樵谷老人百不憂熟
知造化有短脩琴張惜不隨桑戶忠生何暇問莊周石
子坳頭土一抔便是堯夫安樂富千載與汝同優游
呼千載與汝同優游

天馬崖歌

是歲丙辰上巳後徐子泛舟金魚口笑指前山問同遊

天馬之崖是耶否坐中有客號多聞劇談前事遺尾首
或謂神駿自天來不雲奔兮不電走左潛右見山之幽
縱有韓哀莫馴揉一朝石崖露筆峰天馬二字渾如斗
停舟邀我試一登灑灑清風生腋肘異哉異哉復異哉
何人落筆猶揮簞飛鴻秋晚勢翩翩蹲虎雲深威赳赳
娟娟雙壁委泥沙皎皎素衣墮塵垢自古文人薄命多
流落江湖信不偶東塗西抹有餘懷千載誰能分巨手
天愛文光不可藏變為此跡開聲叟精華徹天劍始輝

燐火輪地銘初剖重聞師德瓦瓶書分明曾為房琯有
又見昌黎石鼓歌平反宣室功逾久惜哉此筆不題名
令我胸中增懣糾只今名山可藏書書生須記某也否

操舟行

半生操舟江海上不求長年告來往戲看波浪躍杯醪
百尺高帆踈着纜突然天末鳴颶風舟子篙人俱改容
戩戩不受林樾詔肝膽始落層冰中大呼江神與河伯
翊我櫂回首黑雲暫斂衣已覺心頭點腥血書生豪氣

何不除裸浮青草還具區不為冥冥護通儒耐可持丈
隨儵魚

舟中夜夢廖同年孔服作詩二句覺後足成一首
丈章憎命達何況飽羣經坎坷投長劍稽遲夢短亭衝
風迎駭浪孤雁起寒汀相憶雲山遠心知兩地寧

和杜先生中秋對月詩

清光何處好此夕憶長安四達銀橋外羣仙碧漢端更
深蓮炬遠歌罷桂槳寒猶謂蝦蟇影無如往歲團

九月一日遊懸鼓崖

秋風懸鼓下煙火兩三家曲折通崖徑蕭條倚樹花蛩聲如互答人語半欵牙酒盡青山暮歸鴻背落霞

九日

湘北雙懸淚江南幾得音重陽今五度泮水只孤吟對菊聊傾酒逢人不鼓琴縱然方朔起難為卜浮沉

庚戌年正月六日夜賦

古今事不償吾願展轉書牀卧未安自信野鴝搏雪下

寧知林鵲在門端
滿爐楮火煨春意
一樹梅花伴夜寒
欲寄半生尋友夢
班揚去後有歐韓

課暇偶題

面面青山段段雲
羣鴉聲裏記朝暉
風前櫛髮憑誰握
燈下哦詩只自聞
春去庭花空落子
天迴星斗始成文
窮愁最有虞卿夢
操筆踟躕問典墳

清明日用杜子美先生清明詩韻寫事

鞦韆舊俗講堂東
穉子相呼我半聾
莫對春風思拍拍

應隨釋氏說空空染紅濡綠詩魂遠去國懷鄉客意同
先塚紙錢投未得幾聲啼鳥落花中

紀夢

百累長從夢裏休起來塵土塞胸頭溪山風雪年年路
燈火琴書夜夜樓衆草未愁啼鳩早震雷堪報蟄龍幽
人生只合推行止雲物無心自去留

寄魏繡衣

錦城春暖獨乘驄行看芙蓉秋晚紅一笑峨眉山顫雪

再吟巫峽水增風高岡遮莫鳴孤鳳層漢猶能峙蟄龍
江上題詩多感激分明北斗酒杯中

初夏寫懷寄林先生

講堂萬卷古今文車馬炎炎過不聞平地江湖三日雨
徧空樓閣半岩雲草知深意年年發酒戀枯腸日日熏
冷煖不須分桂李臭香從古說猶薰

中秋詠懷借杜子美先生秋日述懷一百韻
和寄柳州倅假鳴桑先生

異鄉青嶂外古黑白雲邊北極懸雙眼中秋渡四年燈
前橫一劍江滄宿孤船玉露團團忌金波炯炯然山風
徒自溷儒俗不同遷對酒輕十日論詩嗣百篇斷才猶
見撲礪智未成圓自是窮荒地誰憐落寞天梧桐牀護
滿蟋蟀井吟偏何處尋靈運無人問稚川寒岩巢燕別
疎竹網虫懸市價希求紙民儲寡守錢饕餐麤乃習衣
褐短堪憐名谷非甘谷稱泉半盜泉土城門不警竹屋
壁常穿鈞石唯咨背輿臺祇食肩輿駢千百種秀敏幾

多員獵野狐偕走燒畬蟻並緣誇酣言沓沓鼓飽腹便
便定靜聲疑吹晴明瞽訝煙立名甘在下恃氣或爭前
肥醜紅樓女粗豪碧洞仙城隅頻有約淇水久相傳淦
淦重嵐晝潺潺小澗浹背恩棠遂伐忘義豆長煎胥學
凶如蠱無慚行有羶豚蹄祈殖穀糟酒樂登筵墉集欺
貓鼠林藏逐雀鷗禮羅誰共入憲網底粗悛腐木難勝
斧孤雛巨受鋌整冠迷狎李稱物昧持權天德勞巡撫
人愚苦係孿樹藩吁格遜作縣失烝蠲平猷翻遺蠹催

科絕勝畋穢污無與汰殘恐復叨全私有千端計公無
半語宣執鞭深結友握鞭惡親賢富視銅三百貧量石
二千中葺言可醜有北爾當先反笑人驚鈍私揚己驥
翩謬為明舞態暗弄卓奔絃偽狗姑盛行非魚罔寄筌
斯人宜罪也夫我豈為焉自昔圖通變而今謹折旋第
令心怏怏未極理玄玄諸子新梁肉羣經舊井田鸞鳴
將日近鵬舉欲雲連何苦原衣弊難更肇錦鮮平瀾寒
負未陰壑夜鳴舷冷落千軍筆紛披十樣牋庶都多寵

顧貪守一拘牽固謂身無絀原來命獨遭崑山寧玉棄
合浦敢珠捐踖踖騰高浪參差始碧連悠悠江至澧浩
浩洛吞瀝對客封佳句思親夢故阡甘心和氏璞覲面
祖生鞭嫫母聲無惡南威色喪媚嗷嗷秋塞雁嘒嘒晚
林蟬傳世心如錦回天力未綿馬融先解帳鄭老疾推
羶幼子攤書籍嬌妻問翠鈿乾坤無廣廈風雪壓危椽泛
慕滄溟際行思岱嶽巔五窮延使坐三疾彊令痊日啗
如瓜棗時尋在火蓮拒隨昌寓乘嬉射長房拳偏側悲

圖駿徘徊笑卜鱸歛容過土梗負汙逐羅羈炙熟誰何
燄隨流恁地涓摘蘋聊涉沚務稼暫依壩緬為知心惜
難紓渴思纏晴岡靈鳳啞早歲老龍眠惡守邪谿黑勤
磨大道堅胸襟真濩落翰墨獨瑰妍既作鵬同起休論
鷗少翺數精卑一行詞正陞優旃氣象凌秋漢光華逼
斗躔居今仍齒齒覽古愈虔虔珍敵西南美雄排左右
甄上台凝望銳寄字遠求駢京賦人爭寫麟經手續編
小官居不愠健筆秉瀕專白下巖鳴鐸長沙省佩弦仗

明誅瑣伯吐愛學乘禪爾雅言言熟傳燈字字詮賈生
讒自漢郭隗起無燕門弟懷明道家人念閑騫久孤黔
首戀肯與瘴江延寫別衣皆淚求親道欲涎山長空寄
鯉春盡好聞鶻牛女縈猶結參商轂怎旋盪舟如得弄
辟穀苟逢仝閭闔湏臾啓文昌瞬息塞世間驚兩鳥眼
底盡飛鳶脫後前人步終貽半世愆西山書每附浯石
頌宜鐫處處青春在年年碧草芊壯心期不已浩氣亮
非孱韓柳拚來擇蕭曹幸免銓

過安陸詩東郭同年本寬

秋風吹雁過西東怪事無勞問太空
安陸江頭一杯酒月明寒浪逐孤篷

舟次均州

浪裏牽舟面面山虔州十八是平灘
征鴻不逐隨陽伴萬里孤鳴月夜寒

即事

十載奎婁避劍光不應流落在遐荒
重磨未得豐城土

中夜彈歌斷客腸

登洞賓亭

敬為先生拜此亭
午風澹澹樹青青
書生苦被文名累
始羨長吟過洞庭

轉晴奇石

捲將流水上巔崖
處處荒林隱宿霾
千古此名傳獨好
祇云仙子墮金釵

背嵎沃壤

山下平平百頃田人家多厭粥和羹不應限却東南地
豐草長林塞眼前

廣順晴嵐

四面青山似畫圖烟雲旦晚自模糊好風吹散西邊雨
獨見晴峰碧漢孤

書閩藩公舍壁

客裏重陽菊正香衡文事了促歸裝弟兄未盡登高興
仰看青雲數雁行

送李司訓壽夫之繁昌

十月梅花早報春，相思誰是賞春人。
山亭獨酌杯中酒，顛倒東風却夢君。

俞泰

字國昌
無錫人

題丹陽賀氏採桑飼蠶圖

一從西陵育蠶始，開我萬世資生原。
五畝橋邊樹桑柘，衣裳乃服由軒轅。
王澤寢哀不下究，棄置田廬作園囿。
閭閻無復採桑人，却欲重重被文繡。
吁嗟皇妃躬祀夫，

人縲豈敢惡逸為勤勞公桑蠶室古米重里罰有布懲
不毛崇陽拔茶易桑植非厓卓有先幾識四野陰稠桑
作林襄城歌舞忠宣德上有作者民斯從三吳非復當
時風一花一木務珍玩飼蠶樹老煙蕪叢茲圖宛然含
諷意彷彿東郊勸蠶事桑陰筐簍去復來屋裏婦姑忙
不寐簇箔層層候起眠害蠶縲絲說去年却歎官租猶
未了莫教重貢八蠶綿

劍泉篇為虎丘戈生題

海湧山高一池小磨劍空傳仙跡杳清泉香浸夾溪芹
曲徑陰連穿石篠幽人結屋傍池隈野服芒屨日旋繞
干將飛去不可留山月獨留常皎皎汲泉高處景尤奇
脩綆下垂深樹杪知君託興殊不淺此生甘與山泉了
胸中無限洞庭秋肯向俗塵徒擾擾

為張西疇題馬

三花駿分妙無匹展圖知是韓郎筆胡塵不驚邊塞清
飽食天閑安且逸彷彿委尾風蕭騷絕羣如見玉逍遙

錦韉金絡新妝束歸來漠北收天驕病眼摩挲增太息
聖皇御極神馬出疆場不試圉人間長伴將軍老空
櫪

速祝鳴和不至再和來韻

馬首出門常向東依依如見神仙宮俗緣束縛解不去
無由共對銀缸紅道腴元不在珍玉聊以山肴敘鄉曲
百篇有待醉時成自料牀頭餘一斛

朝天宮杜真人畫

亂雲閣山山欲低
溪煙籠樹村欲迷
鍊師採藥入雲去
樹底茅茨空鶴栖
雲開湏臾藥師返
庭鶴一聲人意遠
本來大道自森然
萬木蕭疎落霞晚

西郊同王浚川作

寒山一眺望野意多躊躇
不圖潦倒後猶記相逢初
宦跡苦淫滯吾道空嗟吁
醉來重慨古世路憐迴車

送靈山劉尹先為海門經歷

三載忘年誼懷君每動顏
海門淹老驥合浦得翹關
石

室人何在仙巖勝可攀更從民俗問應有去珠還

和施靜觀二十四夜寫懷韻

剪燭不成寐幽懷坐轉深餘寒憑雪峭多病閱年侵處
世真如夢逢人少會心呼童頻洗盞狂量尚能禁

江心寺和文丞相韻

志矯千鈞力一絲摩挲長劒幾含悲間關浮論空憐我
倉卒降書竟是誰獨以死生明大義肯將成敗挫先期
一區落莫南歸路遺詠那堪作淚碑

和鳳山宗伯留都寄扇韻

笑談常把肺肝傾，去就何心較重輕。
花竹園林春未老，雲霞樓閣眼還明。
迴瞻北闕恩難報，穩卧東山夢不驚。
自分疎慵當棄置，却憐天上故人情。

國聲弟新製一舟，號曰浮莊，謝思泉少卿題扁。
鷗彩浮游東復西，漫勞卿僕扁新題。
江湖浩蕩心俱遠，河漢迢遙路不迷。
兩岸芙蓉經五瀉，半篷煙雨出雙溪。
何年澤國尋幽社，一枕清酣伴鷺鷥。

九日卧病寫懷時駕至臨清

佳節還從客裏過，那堪抱病卧巖阿。
日臨爭覩龍光近，嵩祝其如虎拜何。
併喜黃花沾雨露，即看黎庶起謳歌。
包容聖度寬如海，願賜餘波潤久疴。

安桂坡山堂和段子辛韻

歸來偶作看山人，恍惚桃源路未真。
松榻夜寒雲透枕，桂叢光滿月為隣。
笛聲誰弄滄洲夕，泉味猶甘寶乳春。
已辨筆牀茶竈在，扁舟莫厭日相親。

羅弦齋社飲和韻

一溪清繞白鷗沙共羨風流太守家興逐時秋多買菊
山無官稅儘栽茶蒼髯瀟灑將成雪青眼分明不眩花
醉後却憐詞筆健蠻牋風雨自橫斜

和撫公陳靜齋同登慧山韻

無事肩輿日到山倚欄偏愛上池泉雨餘林鳥聲猶澀
春老溪花色尚妍簪紱喜同嘉燕地風濤久謝乞歸年
紀遊須仗名公筆淨掃蒼苔石上鐫

贈宜興友人

好山吾郡說荆南天與幽人着草庵坐踞松臺延夜月
步隨鳬舄破朝嵐茶經雅致追桑苧橘頌高風憶子瞻
咫尺未能驅俗駕應從玉版特相參

邃菴閣老宅賞燈限韻

芳宵娛客漫張燈何幸龍門此共登放夜有恩寬漢禁
分盤隨意出盧蒸未論火樹三千架真在瑤臺十二層
玉燭喜調今日泰相公元不自能言

題畫

小舸繫煙汀誰知笛裏情
寒蘆風瑟瑟正是晚潮生
題畫送同年高穎之冊封黃州

翹首東南幾夕曛歸心時逐廣陵雲
乘軒偶借天風便喜讀黃岡竹外文

次韻盆池新荷

地拘未遂凌川勢小展如懷畏滿時
造物自知生意在玉淵金井露參差

費縣口占

地湧青蓮石抱沙東蒙北枕水環衙山城誰道春來晚
開徧棠梨又枳花

楊妃吹笛圖

音律從來壽邸長宮中新調稱新妝誰知吹出無雙曲
究為嵬坡訴斷腸

送吳秀才還武義

一瓢米汲惠山泉白石青松意灑然秋色滿溪帆影動

路人爭指孝廉船

揭齋贖翁偶題

石鼎泉聲正午茶
故人通刺到吾家
莫教附耳談時事
高柳橋邊日易斜

送友人還吳門

十年京國夢中心
到此春光滿上林
莫為鶯花漫留戀
麥黃蠶老候歸音

俞暉

字國光號小泉居士
子憲輯明百家詩者

代題惠山秋霽圖

峩峩古惠山秋郊如立玉氣清軋高穹厚載亘深軸中
虛發靈泉晝夜罔盈縮泉邊有高士飲泉養虛穆詩書
濟世具坐費十年讀畜久將大施蒼生待餘沐文章况
大雅布帛而菽粟鄙夫存朽腐隨問致篇牘悠然朝野
思感中還媿慙

贈鷗沙

茲邑少山水江沙入孟河君家何處所鷗鳥傍人多適

性從予好忘機奈爾何因君發遐想塵海久蹉跎

山中懷舊

長日一無事行遊空歲華看花已迷路對酒欲忘家心
懶道仍在時清樂有加獨憐朋舊遠雲徑幾興嗟

覽籍

玄嘿常懷出世心殘編猶自費探尋久辭酒伴驚身健
偶接朝簪幸跡沈并食忘情過午漏閒眠隨意得花陰
人生何必多牽繫一室還將薄萬金

蒲仙草堂

君居城市好林泉，遶屋栽蒲似水邊。
九節靈根堪作杖，五時香氣欲熏天。
客至不妨沽酒坐，閒看還得把書眠。
聞君八十轉強健，始信昌陽善引年。

旅次

記得出門桃李穠，今朝忽見隔江楓。
孤城砧杵隣家月，野寺鐘聲客邸風。
一鳥倦飛秋潦渺，寸心愁折夕陽空。
夢魂欲隨飛蝶去，紙帳梅花夜雨中。

擬題六井鄴侯祠

井道而今正有功
瓣香米芾鄴侯宮
龍收雲雨秋湖碧
鵲起江山夕照紅
朱紱漫傳封拜後
白衣真想指揮中
石池千古寒泉在
歌罷滄浪一鑑空

畫障次韻

老人自是逃名者
白髮蕭然綠薜衫
盡日江亭誰作伴
相看沙鳥與風帆

扇景

數點白鷗遠近明
蓼花汀沒釣臺橫
得魚未愜歸舟趣
坐看桐江月漸生

病餘鼓琴

書劍三年入病鄉
功名心碎萬人場
月來風靜黃昏後
零落梅花十指香

夏日訪友

萬綠新齊花影沈
四圍脩竹絕塵侵
主人不見空來去
看盡白雲山色深

偶題

數椽茅屋風霜古
四壁圖書歲月塵
自喜高吟足晨夕
杜門三載不知貧

石倉歷代詩選卷四百八十六

欽定四庫全書

石倉歷代詩選卷四百八十七

明 曹學佺 撰

明詩次集二十一

劉泰

湖上春步

出門雨脚收西山翠如沐一鷺忽飛來點破湖光綠春
暗花已空慮淡心自足固窮分所宜輕肥豈吾欲

喜徐勉仁至

靈鵲向我鳴隔戶聞剥啄高士忽見過一笑情不薄春
韭已勝剪請就梅花酌人生百年內急景蛇赴壑薰蕕
雜香臭淫渭混清濁世態難與言舉觴且為樂

雲鴻為寧夏舍人張通之賦

張君志高遠有若雲間鴻凌風鼓六翮矯矯摩秋空萬
里邁鸛鷺燕雀安能從况乃將門子偉然才且雄腰懸
三尺劍手挽六鈞弓蔚為西土英所蘊惟丹衷誓將事

明主豈止分寸功
天朝資羽儀
贊治歌時雍
下視斥鷃輩
棲栖但蒿蓬
為賦雲鴻詩
勗哉慎始終

責子效陶彭澤

七十吾已衰
兩鬢颯然白
家貧寡生理
僅有三畝宅
兒癡不知書
頗能勤稼穡
常恐遇饑歲
租庸官府迫
憂米且傾酒
醉看南山色

冬日曉望

寒風薄絮衣
落木紛騷屑
江紅有斷霞
山碧無流雪
隔

水一聲雞悠悠送殘月

題畫

千峰落日陰閃閃鴉飛盡
隔樹暗鳴泉蒼茫路難認
何處遠歸樵山花紅插鬢

夏珪山水圖

夏珪丹青世無敵
遠近淡濃歸數筆
天機所到入神妙
此圖猶為人愛惜
青山我栽樹童童
高泉一派飛白虹
雲林煙谷互隱見
羊腸細路東西通
溪邊丈人青似玉

倚樹悠然吟不足我役黃塵奔競途勞生頗欠看山福
春風幾度薔薇開舊時猿鶴休驚猜有田可耕書可讀
家在山中歸去來

雪景畫

高堂怪底寒侵骨遠山近山銀突兀細挑松火靜中聽
蠶葉蠅沙聲彷彿水邊老屋伊誰家爨煙幾縷隨風斜
出門一白已無地蹇驢何處尋梅花

題戴文進西湖圖

錢塘西湖天下奇，浮光萬頃澄琉璃。仙宮佛剎湧金翠，
簫鼓之聲聞四時。六龍扶日消春霧，畫船撐過茅家埠。
吳姬雙唱遏雲歌，鶯散鴛鴦與鴈鷺。水亭入夏薰風來，
鏡裏荷花高下開。蔗漿酪粉出冰碗，對花一飲三百杯。
梧桐葉脫屬秋至，藍鬢尋僧靈隱寺。深洞老猿呼不應，
和得賓王舊詩句。玄冥剪水落九天，孤山突若銀螺然。
玉驄馳醉探春去，紅椒已破踈籬邊。戴進胸中有丘壑，
揮灑新圖使人愕。羊腸路口樹陰陰，鴨嘴灘頭沙漠漠。

和靖東坡不可逢
白雲常護青芙蓉
寄謝山靈莫相拒
早晚來聽煙際鐘

竹隱為王景輝作

竹裏隱君子悠然忘世情
夜涼巢鳳下春暖籜龍生
酒映尊中綠詩鐫節下清
何時招二仲同結歲寒盟

寄梁汝實

梁鴻志高尚不受鶴書徵
金石文能辨雲霄路懶登有
身清似鶴無欲靜於僧
想得詩成處雙花結夜燈

寄長春菴道士沈繼昇

我愛長春子金丹久駐容孤高松上鶴玄妙鼎中龍煮
石秋煙淡研朱曉露濃深居無一事誰共看芙蓉

賀致政都閫陳彥章

聖主仁恩被九垓將軍上疏早歸來非貪肘後黃金印
要醉花前碧玉杯雪壁懸弓勲已著冰甌滌筆句新裁
始終克盡為臣道不愧邦家文武才

恰似村為諸立夫題

非村非郭路縈迴繞屋薔薇戶半開春暖鶯聲相應答
晚晴鴉陣自歸來白煙土銚炊新稻紅雨糟牀滴舊醅
山色滿窗書滿架此生無夢落黃埃

九日偕沈濬之飲天長寺昌上人所

佳節青山懶去登共緣西郭訪名僧壺虛暗滴蓮花漏
衣薄寒生柿葉綾擬難白頭歸淨社欲留紅日繫長繩
與君且盡杯中物有約重來恐未能

次韻夏大卿寄瑪瑙寺獻上人

高僧占斷西湖勝細草斜連石子坡
度嶺剪來藤作杖翻畦種得菜成窠
一龕曉日紅蒸袖四壁秋煙翠染蘿
借問何時開夜講洗清塵耳定須過

菊亭為陶文式賦

陶令諸孫學行優繞亭栽菊更風流
天施白露開逢節地湧黃金買斷秋
勸客且簪頭上帽呼兒頻泛掌中甌
愛花老我今成癖擬約相過共唱酬

寄葉友甫

文康孫子近如何幾約看山不見過金剩酒資春醉少
鐵穿門限日書多才高羨汝連城壁器小慚予測海螺
芳歲勲勞湏早著光陰容易鬢成皤

竹西書舍為徐必明賦

藏修新構竹西房錦軸牙籤聚滿牀翡翠歸時翻夕照
鳳凰鳴處向朝陽誦餘不學衣襟潤卧久應便枕簟涼
分付家僮頻簡點莫教春笋過東墻

次韻夏大卿遊瑪瑙寺

葛洪仙嶺蹋花階
覓向幽僧敘雅懷
瑪瑙異光生白石
芙蓉高勢拔蒼崖
徂公競獻山堂果
龍伯馳分水殿齋
自是上卿便野步
青絲軟履勝朝鞋

江山訪道為王古心賦

悠悠雲水送舟車
歷徧江山萬里餘
東拜孔林瞻聖表
南尋禹穴探神書
柳花撲蓋春深後
蘆葉侵篷月上初
一笑歸來心領會
無窮樂趣有誰如

買臣負薪圖

家貧且作會稽樵擔在肩頭斧在腰出谷每煩明月送
入山何待白雲招松深濕翠沾書卷花近晴香撲酒瓢
千載榮歸憐去婦低回羞過覆盆橋

竹雪書房為惟愷賦

萬竹凝寒雪正深鑪煨楮畫沉沉翠侵緹帙閒開卷
玉照朱絃靜鼓琴短策莫嫌求仲造扁舟只恐子猷尋
擁衾卧聽平安報誰識先生高尚心

送魏重舉省兄還臨漳

遠度閩關為省兄相逢尤勝會彭城夜牀風雨愁何在
春草池塘夢又生鴻雁無書勞北望驪駒有曲壯南行
從來手足天倫重落日分携各愴情

重和凌交明遊天長寺韻

步入香雲一徑深宛然城市小山林地生清淨金無垢
竹奏鏗鏘玉有音太守顏酤應既醉老僧頭白尚能吟
暮歸不用留衣別儒墨交遊只此心

寄餘杭陶士通小友

獵獵霜風歲暮天祇應獨樂在林泉
深樽白醉茅柴酒
利楔黃收糲稬田寒暑無情雙轉轂
交遊有道兩忘年
春來準擬尋君去重買苔溪罨畫船

雲山圖為王廷實題

溪沙白白樹青青溪上人家戶半扃
沙漠寒雲迷鳥道
瀰漫新水斷鳬汀長竿我欲米垂釣
短鉤誰招去採苓
夢寐未能忘舊隱抗顏塵俗愧山靈

觀耕為徐景輝賦

村村落落杏花風起視耕夫綠野中雨應雙鳩田上下
犁隨一犢路西東暖分榆火晨炊婦涼送壺漿晝饑僮
黽勉莫辭勤苦力全家衣食在農功

寄餘杭張景饒

可是龐公懶入城隱居無事樂閒行埋頭蠹簡方成學
適意魚竿豈釣名山繞洞霄千朵秀水來天目一支清
歲華冉冉春期近應對寒梅感舊情

挽陰陽正術沈克永

相地占天兩鬢皤忽聞觀化奈愁何眼前故舊知心少
身後文章誅行多庭院鶴鳴空夜月江湖鷗散冷秋波
賢郎早受青囊訣籍籍時名起浙河

賀隆竺曇住瑪瑙寺

瑪瑙坡前古道場上人高坐據猊床塵談佛法三乘妙
香祝皇圖萬歲長夜永黃猿啼月色春明白露點湖光
何時借我高層閣飽看青山到夕陽

冰雪軒為汪廷俊賦

雪潔冰清色混融
開軒晏坐玉華中
掬波洗硯流澌白
掃絮烹茶活火紅
夜半交輝惟皓月
春來解凍有條風
呼兒簡點梅消息
已漏寒香在水東

賀法相寺住持海納菴

湖上招提信少雙
翠微樓閣白雲窗
耳聞古佛遺真像
眼見高僧豎大幢
衲掛紫藤驚鼠竄
鉢分滄海毒龍降
懷香欲叩毘尼藏
寸筵臨鐘不易撞

賀張天錫生子

蘭房昨夜藹祥氛
天錫佳兒自不羣
一角白麟真有種
九苞丹鳳豈無文
桑弧蓬矢閨人設
玉果犀錢座客分
試聽啼聲知國器
添丁誰說事耕耘

寄費廷用

幽人住處遠塵囂
境絕輪蹄逸興饒
不飲市無賒酒券
能吟家有貯詩瓢
竹歌每見雙儀鳳
江近應聞兩度潮
記得春時茶宴散
杏花斜日望仙橋

寄永慶寺達上人

問訊江干白足僧，妙齡傳得祖師燈。
苦吟竹裏肩山聳，晏坐蘿間性海澄。
翰勇磨千錠墨，看雲閒拄一枝藤。
黃塵笑我勞行役，擬借清涼散鬱蒸。

晚翠軒為葉景芳題

隱君軒外有寒松，元是徂徠秀氣鍾。
獨立不傾風雨勢，後彫能抗雪霜容。
採花日暮防驚鶴，種子年深恐化龍。
老去已無丁固夢，掩關高卧綠陰濃。

菊窗為郭應物賦

窗外年來都種菊
葛巾藜杖足優游
青蟲蠹葉踈踈雨
黃蝶迷花淡淡秋
把酒從教陶令醉
食英不識楚臣愁
何時約我踈籬下
坐對南山共倡酬

雪莊為鄔益之賦

龍蛇深蟄鳥深藏
凍合乾坤雪滿莊
晝暝可無風助勢
宵明應有月爭光
功誇李愬平淮策
興切王猷訪戴航
此際胸襟如洗滌
行探春信野梅香

春日偕友遊梵天寺

十載不登江上寺
舊栽松樹拂雲長
非因避俗來空刹
正愛談玄坐石牀
檐外日移雙塔影
塵邊風遞雜花香
問僧誰作茲山偈
猶是前朝蘇雪堂

贈學徒璣上人

墨名儒行隱雲林
門掩黃埃深復深
東魯遺書多貯腹
西乾妙法早傳心
一窗梅月清吟思
滿院松風續梵音
淺學我非韓吏部
不勞文暢苦相尋

一篷詩酒為王世祥賦

詩興翩翩酒興豪一篷吳下盛遨遊
歌聲激烈頻風細
醉影欹斜柳月高碧水魚龍驚洗盞
白沙鷗鷺避揮毫
天才海量俱無敵到處人人識錦袍

初秋遣懷

商飈一剪入簾帷共說今年氣候遲
桐子墜青驚舊夢
豆花含紫待新詩囊空底用千元振
貌寢徒勞問客師
幾欲登臨看秋色高僧未有白雲期

次韻秋雨感懷

積雨連朝天地陰
門前誰遣鶴軒臨
寒摧砧杵殘秋盡
老約頭顱暗雪侵
黃偃一叢薜菊重
碧添三尺野塘深
腐儒無力鞭紅馭
獨抱時憂耿耿心

次韻九日登吳山

良辰載酒不虛行
天拔胥山入鳳城
簪菊莫嫌烏帽重
佩萸還喜絳囊輕
長風送雁秋逾淨
斜日團鴉晚更晴
自幸登臨無老態
漫扶雙足放眸明

寄沈大經

吳山山下隱君家，靜掩柴荆絕市譁。
迺小黒翻飛去燕，池香紅點落來花。
借書不受銀瓶酒，待客惟烹石鼎茶。
想得長齋依繡佛，白雲窗戶閱楞伽。

秋日登寶峰

錦繡湖山畫不如，良辰登眺駐肩輿。
人生百歲苦難足，秋色一天清有餘。
鷺散汀洲驚我嘯，鴈和霜露寄誰書。
感時懷古愁無限，都仗金樽酒破除。

鴈蕩秋風

碧波涼冷鴈來天又報秋風一信傳
浙浙綠彫初脆柳
蕭蕭紅謝已殘蓮
飄颻牧豎投村笛
斷送漁郎入浦船
多少江湖倦遊客
鱸魚蓴菜憶歸田

春日湖上

笙歌窟裏無窮景
老我從遊學少年
但信玉驄穿翠徑
誰驚白鷺入蒼煙
暖風欲颭簪花帽
春水初高載酒船
笑指湧金門外路
幾時羅袂再重連

西子湖頭風日佳
春衣初試踏晴沙
長堤盡舫依楊柳

小店青旗映杏花
笑裏握鬪機變化狂邊題句字歌斜
晚來不盡登臨興一路鶯聲送回家

竹林書屋為周宗秀作

滿林高竹蔭蒼苔
竹裏藏修戶半開翠葉團光凝曉露
玉芽含味待春雷地偏似與三湘接詩好多邀二仲裁
聞道枝頭有嘉實九苞丹鳳幾時來

次韻廷用初夏寫懷

感時又過一年春
穆穆南薰霽景新楊柳小園鶯鷺早

茶蘼深院蝶來頻
門無白紙催租吏
座有黃金買賦人
何幸生居堯舜世
湖山擬待老吾身

九月望日登寶峰次韻

玉瓶載酒傍湖行
共指中峰勸我登
老去簪花羞雪鬢
倦來扶足喜霜藤
六橋客醉笙歌窟
三竺僧歸紫翠層
晴好雨奇吟不盡
古今蘇子擅才能

贈下天竺衡上人

芳年得度荷恩榮
圓頂方袍法苑英
天雨寶花修六幘

地存靈石悟三生
循巖鹿印春泥跡
倚樹猿交月夜聲
我亦相過曾借宿
蹋雲親送掃雲迎

九日與客登餘杭寡山

好風吹我上層巒
吳越江山畫裏看
獨步青雲酬夙志
羣來白鴈送新寒
詩袍奪錦才無敵
酒罍飛金量儘寬
却笑陶潛歸去晚
空糜五斗縛微官

清芬書室為周德輝題

一室能專靜學功
爐熏不斷火微紅
硯池暖滴薔薇露

書卷涼開茉莉風
鄭圃無人知
列子漢庭有客薦揚雄
永懷燕寢凝香句
獨許先生雅趣同

送鍾欽禮還上虞

豆花風起動歸心
取別匆匆出武林
韞櫝寧無求價玉
探囊賸有買山金
鷗邊白雨敲秋點
鴉際蒼煙結暮陰
會面偏難分手易
兩情深似越江深

與客西湖行樂

湖西山水名天下
有客乘春作勝遊
白騎踏花銀絡腦

青娥舞雪錦纏頭
旛幢影裏高低寺
絃管聲中遠近樓
如此風光莫虛度
人生只合老杭州

秋日與客登寶峰

踰湖秋晚上方遊
蘭棹遙停白鷺洲
雲破觚棱金雀現
雨餘澗水玉虹流
紫檀熟鼎僧延款
綠醕浮盃客獻酬
醉後陶然忘荷鍾
踈狂我亦晉時劉

泛湖值雨簡費廷用

濕雲遮斷好峰巒
斗酒呼來且盡歡
養鴨人家春水滿

落梅天氣午風寒君醒陡覺衣裳薄我醉寧知宇宙寬
閒却銀箏多少曲紅樓船工幾時彈

西湖秋泛為費宗裕題

湖水涵秋分外清蘭舟蕩漾入空明香消冷瓣紅渠墜
雪颭晴絲白鷺驚老眼看山聊艤棹小鬟催酒不停箏
勝遊豈獨坡仙輩落日西風無限情

宴集次費宗裕韻

湧金門外新亭好得共羣賢盡日娛白藕褪花秋欲近

綠筠交葉暑全無
衣浮爽氣龍收雨
鏡破澄光鷺點湖
回首鳳城扶醉入
漏聲催晚急銅壺

吳山看雪呈郁士端

天人剪水落雲端
直上危坡縱遠觀
萬竹無聲銀鳳立
千峯有勢玉龍蟠
已將奇事占薶麥
更攬清華入肺肝
誰倚東風吹短笛
梅花初放不禁寒

湖曲行春次沈用濱

巾子峰頭葛嶺西
盤迴白石淨無泥
鶯吭暖送春聲滑

驚翅晴翻雪影低紅瘦岩花飄滿路綠肥湖水受諸溪
大家留取金錢百擬約明朝酒再攜

九日遊寶峰分得秋字

共買肩輿郭外遊登高快我豁吟眸天包滄海欲窮處
人立青山最上頭萬木總含霜露氣一壺渾遣古今愁
南來新燕斜成字寫出西風澹澹秋

次鼎大年遊淨慈寺

步聯苔蹬翠層層方外幽尋我最能虎視不驚團射客

鷗閒常送過湖僧支那蹋遍無雙寺臨濟傳來有一燈
話久頓忘饑渴想詩懷清似玉壺冰

詠東坡赤壁圖

黃州遷客氣如虹夜放扁舟弔兩雄東下火攻吳卒銳
北來陣戰魏師空白沙折戟荒涼外綠酒芳樽感慨中
爛醉不知天地老江流終古浩無窮

晚春漫興

單羅初試怯春風金鴨香銷翠被空江燕低翻三寸黑

海棠微褪一分紅
酒因睡淺醒難解
詩為愁多句未工
晴日漸長兒女懶
鞦韆閒在曲闌東

詠芙蓉

一樹臨秋水
紅顏美少年
開遲君莫怨
猶在菊花先

詠燕

解補梁間壘
能尋花下門
春來與秋去
莫負捲簾恩

訪友人張仁厚

乘閒訪隱君
黃葉路斜分
驚犬知生客
穿籬吠白雲

題雪竹

雪霽湘川絕點埃
冷枝寒葉脆難開
舜妃昨夜遊何處
騎得翩翩白鳳回

晚景便面為沈仲明作

上方樓閣隱煙霏
風遞鐘聲出翠微
隔水冷霞紅不散
殘光斜照兩人歸

秀上人課經圖

山繞清溪樹繞亭
隔雲金磬曉泠泠
道人不管花開落

白乳香中讀觀經

小景

隔岸峰巒過雨新
桃花水暖碧潏潏
誰家艇子閒來往
只載春光不載人

綠樹陰陰覆野亭
綠波漾漾沒沙汀
短蓼記得尋幽處
一路鶯聲酒半醒

雲溪一帶淨無沙
門對青山是我家
兩日不來亭子上
東風開過紫藤花

紅梅翠竹

羅浮仙子訪湘君
翠袖涓涓映茜裙
江月半痕歸去晚
玉容春透酒微醺

芭蕉

翠怯春寒葉未高
玲瓏石畔託根牢
曉來記得題新句
露濕先生紫兔毫

清溪放棹圖

溶溶新水碧於苔
風靜菱花幾個開
小艇不知何處客

載將秋色過溪來

橫笛圖為盧宏景題

矗矗峰巒過雨新
暖風吹綠半溪蘋
從來不識塵勞事
輸與船頭弄笛人

杏花畫眉

粉紅花放滿枝春
嫩色柔香過雨新
啼鳥一聲庭院曉
隔窗催起畫眉人

鼓琴圖

不向王門作從伶獨橫焦尾坐雲汀鍾期老去知音少
彈與秋江白鷺聽

春溪放棹圖

淡淡春風作嫩晴柳條金軟未勝鶯何人點破春溪色
載酒來尋白鷺盟

新秋示盛伯宣

暑退新涼透碧紗砧聲不斷是誰家酒醒小立殘陽裏
閒數籬邊紫豆花

豐樂樓

層樓高處宴王孫
湖上青山落酒樽
三百年來春一夢
月明還照湧金門

春日湖上

浴鵲灣頭盪槳過
雨聲昨夜漲湖波
落梅天氣寒偏峭
未許春衣試薄羅

步逐東風踏軟沙
背人驚鷺去斜斜
兩株紅杏疎籬外
知是湖村賣酒家

小鬟扶處醉曹騰
落日寒生半臂綾
燕子不來春尚淺
湖陰留得未消冰

櫻桃花發向陽枝
便覺韶光暗有期
明日重來應燭爛
雙柑斗酒聽黃鸝

春日同項宗彛蔣文偉賦

湖上韶光似酒濃
踏花重覓舊遊踪
東風知我看真景
輕約春雲過兩峰

約蘇文定泛湖

西湖山色兩清奇
況是梨花酒熟時
整頓蘭舟載春去
莫教鷗鷺笑來遲

題芍藥

綠陰庭院已非春
紅藥翻階露朵新
綽約嬌姿誰得似
天風吹下衛夫人

題黃菊

芳叢艷艷殿秋光
嬌倚西風學道妝
一自義熙人採後
冷煙疎雨幾重陽

秋葵

露華閃閃照秋林誰把紅芳暗博金
白露不凋霜不剪也知中有向陽心

墨菊

自是中黃第一家雁來時節傲霜華
如何秋色無人管移向龍泉道士家

寄吳百戶東升

善書

墨花香滿硯池頭盡說能書老戶侯
顧兔分毫遲授管

冷金紙上字雙鉤

雪中登樓望湖上諸作

峰巒遠近玉崔嵬竹壓柴門午未開
卧擁青綾迎送懶
洛陽縣令不須來

曉來冰柱結簷牙籬外疎梅破一花
鐵筋自挑黃獨火
苦吟誰識老劉叉

歲晚滕神故作威剪冰裁玉不停飛
癡兒禁得雙骰冷
獨立梅邊待鶴歸

斷水漾漾立閒鷗
偶爾看山到渡頭
濁酒一壺隨處醉
老夫不典鷓鴣裘

登樓四望白糝糊
直北天高是帝都
想得征西貔虎士
玉門關外破匈奴

東家酒熟紵旗懸
費盡床頭子母錢
貴賤交遊元不少
夜深誰泛剡溪船

白戰詩成硯已冰
案頭饑鼠亂窺燈
支離瘦影跏趺坐
好是人間戴髮僧

隨風雜霰落蕭騷破屋難禁一尺高
翻憶少年歌舞夢美人金琰進羊羔

夢騎白鳳挾飛仙下視齊州九點煙
賦就曉寒殘月裏覺來忘却衍波箋

瑞應豐年不在多黑貂裘敝奈貧何
老懷未減崢嶸氣獨對梅花發浩歌

湖上暮歸

小牖馱醉踏殘花柔綠陰中一迷斜
日暮歸來問童子

春衣當酒在誰家

西湖遊覽志劉士亨正統景泰間人隱居不仕所著
有菊莊晚香二集徐伯齡嘗言士亨詩諸體具備其
詠東坡赤壁圖有杜少陵之風而晚香漫興諸作當
與楊眉菴殽載相頡頏大抵語多慨古傷今而寓自
況之意所以為不可及也

附雪中登樓望湖上和士亨作

俞鳴玉

羣山凝素鬱崔嵬近水梅花冷未開却喜漁舟輕似葉

放歌撐出斷橋來

聞說平戎仰聖威
玉門關外馬如飛
貔貅踏破天山雪
笳鼓聲中奏凱歸

朔風吹散楚江鷗
短策孤吟到水頭
誰把一竿和水釣
衝寒不解有羊裘

不歎金魚帶未懸
半生且費買書錢
誰知雪滿南橋上
時有人維問字船

中宵映雪讀離騷
坐待虛窗月影高
寧似五侯歌舞地

飛觴燕客醉羊羔

雪深何處弔逋仙
湖北湖南鎖暮煙
吟得暗香疎影句
興來都付薛濤箋

又劉邦彥

寒封林樹玉槎芽
銀海搖光眩欲花
清曉蹇驢湖上去
尋梅迷却路三叉

鳳山西下雪糝糊
琪樹瓊林接故都
寒勒老梅香不放
欲槌羯鼓倩花奴

小閣青燈對榻懸敵寒沽酒不論錢夜深擁被清無寐
起棹坡仙藥玉船

玉堂學士擅風騷掃雪烹茶趣自高留得平生忠節在
不慚金帳飲羊羔

劉郎才力近來多不數揚州水部何白雪調高成絕唱
郢人從此愧賡歌

又霍孟陽

乾坤萬里盡模糊壘玉堆瓊壯舊都不減灞橋吟興好

自裁新句付奚奴

簷溜無聲凍作冰
滿懷清思對寒燈
明朝策蹇西湖去
不是尋梅定訪僧

又趙廷玉

同雲黯黯北風多
此冷難禁奈老何
記得西湖年少日
水晶宮裏載笙歌

宮詞 陸士昂字元偁士亨門人

自捲珠簾放燕歸
六宮春盡亂紅飛
從來艷色多傾國

願得君王寵幸稀

梅花

春到南枝與北枝花開的樂照寒漪
何人似解相憐意
不把東風玉笛吹

石倉歷代詩選卷四百八十七

欽定四庫全書

石倉歷代詩選卷四百八十八

明 曹學佺 撰

明詩次集一百二十二

蔣主孝

讀書

夕陽下山暝篝燈坐中庭縹帙亂几案寒芒射奎星娟
娟雲邊月移光照疎櫺恍然若自得碧水涵圓靈善惡

何所召持鑑以照形不鑄考父鼎乃勒燕山銘嗚呼彼
何人蒼天正冥冥

遊牛首山叙志

夙昔抱奇氣遨遊山水中山水豈不佳心懷自忡忡於
今老將至遨遊興無窮青天倚絕壁白日懸孤桐時乘
小紅車朝西暮復東登登牛頭嶺浮雲繞蒼空楊柳落
晴雪桃李吹春風斜陽下鳥道野雉藏蒿蓬偶逢碧眼
僧呼我贅世翁叩之不復語矯首看歸鴻

雨晴至江渡

西風吹歸雲秋空淨如洗
蕭蕭蘆荻花半落寒江水
江水清且深洋洋躍文鱗
眼看白鴈飛能與寄書未

送楊紹述

長風捲茅屋遲子江上舟
灼灼芙蓉葉渺渺寒川流
子行獨何之駕言返故丘
門前幾楊柳不禁離別愁
芳筵倒玉甌侍兒彈箜篌
酒酣抗手別白雲空悠悠

春懷故園

春日懷故園令我心反側路無百里遙身有數年隔青
山遶白雲頃刻迷蹤跡而人亦如之是為形所役幾何
百年壽營營無了日仗劍對樽俎斜陽無雙戟時歌遊
冶辭共醉江南客

漁父

朝駕滄浪舟暮泊滄浪曲得魚即沽酒不知榮與辱蘆
花兩岸秋醉枕蓑衣宿

宴金粟公子山居

我為塵網嬰青春苦無樂偶乘欸段馬慰子守巖壑竹
隱邯鄲庭舞青田鶴細柳垂疎籬山花映叢薄景至
情復濃黃流對君酌君本豪傑才乃置居士屨嗚嗚吹
劒首草木怨搖落不聞揚子雲識字終投閣

懷古

秋水嚴陵灘秋風黃金臺臺高幾百尺灘行幾百迴難
行日漸遠臺高日漸摧秋風與秋水蒺藜花自開

送周雲鵬之漢陽

南浦草如織別君將奈何松風雜靈籟春冰鋪碧羅問
君何時還遙岑立峩峩可望不可即坐聽山鳥歌歌聲
起歸思橫渡漢陽波落花正無賴白鷗江上多

飲酒

青晨忽不樂開軒對芳樽遂令結鬱懷分散如浮雲狂
風颯然至闢我三重門經書悉墮地小犬號山村偃卧
北窓下悠然古意存

大隄曲

垂柳陰陰繞隄綠二八嬋娟唱新曲映水荷花眩晚霞
隔岸芙蓉障紅玉彈絲吹竹當路傍使君駐馬索酒嘗
臨流卷幔對君語十二巫山春夢長春夢長今月將落
湖上東風玉跳脫自矜纖手摘蘭芽紅淚雙雙為君閣
背人偷整玉搔頭搖蕩春情燕子樓回首可憐歌舞散
彩雲零落渚花秋

渭城少年行

長安道上春來早梁苑梨花啼小鳥小鳥啾啾不住聲

滿地落花春已老可憐遊子客遼西昨日書來不敢啼
章臺楊柳空搖翠幾陣東風葉盡低東風獨吹楊柳樹
撩亂飛花不知處花作浮萍逐浪漂渭水秦川向東注
渭城樓閣盛繁華鬪雞走馬足豪奢朝持金彈遊戚里
夜抱閒花醉酒家酒家銀燭照歌舞來報城頭起更鼓
娟娟明月懸青天豈識深閨別離苦別離有恨將奈何
笑顏不及愁顏多一曲琵琶兩行淚背看燈影顰雙蛾

車遙遙

君有萬里行妾有長相思君行不顧妾妾思君不知關
山盤盤多鳥道君行漸遠車聲小不得隨車萬里行願
身化作催歸鳥

各東西

車輪碾土聲軋軋君遊五原我三峽出門不復問東西
寶劍差差露塵匣江水東流月西墜不洒長途離別淚
兩葉浮萍大海中知他飄泊何時會壺中有酒且盡歡
莫論乾坤窄與寬人生會合亦偶爾此別何須較生死

酈生長揖圖

拔劍斬蛟神媼哭蓋世英雄逐秦鹿君本高陽一酒徒
乃敢庭前嗔濯足五年帝業本天命待君濯足何為辱
溺冠不罵老書生猶有攻齊半分策君不見子陽罄折
竟如何回首江山空碌碌

江南弄

蒲芽出水鴨雛小驕馬嘶聲踏芳草誰家紅粉兩妖嬈
終日當爐被花惱使君竚立凝雙眸蛺蝶紛飛來隴頭

青山不碍相思夢
春老江南人自愁

棹歌曲

朝棹歌暮棹歌
江頭風浪夜如何
荷花紅兮荷葉綠
棹向潯陽江上宿
潯陽少婦不禁愁
卧看長江水倒流水
底月明無處覓
恨絕鴛鴦也白頭

隴頭吟

洮雲飛飛渡隴水
白骨疆場泣新鬼
閨中少婦聞笛聲
舊怨新愁深骨髓
陌頭楊柳飛白花
去年此日纔離家

誰知渡隴不復返兒孤母老天之涯隴頭之水聲咽咽
路上行人心似鐵只聽流水聲不看流水血黃沙白草
秋茫茫終年眼望胡天月

夜與許生酌別

丈夫重功名車輪不停走金門欲通籍安能事畎畝長
途會合亦非偶與君且醉金陵酒夕陽衰草起滄洲更
欲為君沽一斗酒酣燈下看吳鉤落魄誰憐馬少游跨
鶴不歸滄海去却教何處覓瀛洲

五王擊毬圖

毬門高結春如海紫袖垂垂剪雙綠薛王力倦宋王來
興廢宮前花正開侍兒弄笛中王醉更有岐王擁花睡
春風不動草如鋪兄弟怡怡入畫圖黃門擁入五花帳
官奴謾鼓花奴唱博山火蕪水沉香富貴從來自天降
遲遲春日下龍樓花萼聯輝雨氣浮大被漸寒歌管歇
三郎別領阿環遊

春曉曲

春風吹草成綠波美人酌我金叵羅雙雙乳燕掠花去
招呼不來將奈何油壁輕車紫羅帳兩兩鴛鴦浴相向
惜花御史不放衙啾啾野鳥空惆悵惆悵春雲滿目前潺潺
驟雨驚曉眠湏臾雨歇春雲散陌上遊人拾翠鈿

北印行

請君着耳聽聽我北印歌北印山頭鬼夜哭天陰雨濕
愁奈何昔年羅綺叢中過而今白骨埋山阿墳頭狐狸
學人語誰家子孫能作主君不見張家柱礫李家碑白

日不飲將何為

湖中曲

楊柳風來水波淺
盼斷嬌娘雙淚眼
湖邊落日唱吳歌
隔岸青山望中遠
荷花照人生淺紅
芙蓉枝上白頭翁
聲聲似訴不平怨
我亦欲訴無由逢
團團荷葉如擎蓋
夜來摘向街頭賣
絲長柄短刺擲人
拋擲中流了愁債

居燕旅情

不上黃金臺
早歌歸去來
平沙無草木
短褐有塵埃
故

里愁言別明時敢論才燈前一舞劍豪氣轉成哀

春夜別友人

六合故人少為君歌別筵青燈照華屋白髮悲流年山
繞荆門路江浮楚國天明朝從此去何日望歸船

過姚氏別業

渡水復登山浮雲似我閒村花當徑發林鳥背人還綠
酒堪怡性丹砂可駐顏幾多名利客白首叩秦關

病起感懷

老病復侵尋，儒冠負壯心。
功名逃鳳闕，聲價售雞林。
知命憲前易，安貧膝上琴。
青山空在望，白髮已盈簪。
無命當金貴，清閒直萬金。
露花同落寞，風葉共蕭森。
瓦罐邀誰飲，村童笑我吟。
澄江有深淺，沙鳥自浮沉。
不用頻惆悵，浮雲變古今。

席上

高閣靄餘暉，雙雙燕子飛。
酒斟青玉案，歌唱白銅鞮。
眠柳驚春夢，流鶯破曉暉。
迷纏頭，雙錦段，爭買醉如泥。

野人居

江上葺茆廬公然與世疎
獨歌梁甫調不草絕秦書
白鶴懷山果青猿摘野蔬
蕭蕭雙短髮兩月一番梳

經龍潭故里

青山望不極古木下斜陽
野水呼船渡村醪倩客嘗
親朋俱舊識富貴兩相忘
好約諸年少看花引興長

早春遊望

聞道春光好香車曉出門
風吹楊柳渡霞照杏花村
鳥

去山逾寂魚驚水自渾誰知情與境融會兩無言

遊邵氏山居

一逕入幽深迢迢接遠林草堂無俗客竹塢有鳴琴欲
覓吟詩伴還期載酒尋古來韜隱者不肯屈黃金

小蓬萊

我愛小蓬萊昆明幾劫灰青天舞黃鶴平地築仙臺瑤
草欄邊長蟠桃海上來始知絃管地回首即成哀

九日登雨花臺晚歸

山童先放鶴同約野人登樹密藏花窖江空露石稜賞
心徒有酒繫日却無繩興盡歸來晚柴門喚不應

寄友

欲掉酒船至桐江望客星梅花千樹白乳竇兩峯青廊
廟初垂念山靈已勒銘若將踪跡比渾似水中蘋

旅邸有懷

風雨茆齋夜青燈照客眠故人霄漢上歸思楚江邊短
角吹殘夢長歌感昔年自憐身老大何以繼前賢

寄西湖隱者

道人脫白帽有似華陽君閒情隨野鶴塵夢逐春雲
山色頻年見溪聲盡日聞寄書常不達何事苦離羣

思昔

昔日輕王猛如今重管寧煙塵猶浩蕩豪傑故飄零
客況風中絮交遊水上萍空憐乞米帖愁絕老橫經

曉行

何處堪投轄前村有杏花山迴殘月照路轉宿雲遮
小

圃驚飛雉長林噪亂鴉春江漁父艇垂柳野人家貴賤
嗟時命榮枯感物華擔頭挑日影花底散蜂衙老樹綠
芳蘚寒流繞白沙朗吟成久立往事正堪嗟

秋日遊寶光寺

清晨遊古寺紅葉滿秋林廣殿飛花雨長廊轉柳陰閒
情隨舞鶴詩思逐鳴琴流水自更變青山歷古今天空
江鴈下露冷草蛩吟小酌無深趣長歌有好音紅塵悲
俗態白石悟禪心蓮座千岩迥松關一徑深有家堪懼

惱無路可追尋擬約重來此斜陽下遠岑

秋望

歲月驚心晚蕭蕭滿眼秋乾坤雙鬢短天地一身浮有
客尋遺逸無人識故侯鳥喧寒日下山靜宿雲收富貴
獨能致蓬萊未可求心閒堪作樂身老不禁愁霜信驚
玄鳥潮聲起白鷗渚花方靡靡庭竹更脩脩無限深秋
趣孤舟橫渡頭

春日陪周功叙學士遊朝天宮

曉露滋瑤草東風綻碧桃致君有公輩行樂屬吾曹恍
惚遊三島淒迷嘆二毛山深人自寂市遠性俱逃占斷
壺中景真成世上豪水清山澗淺苔古石床高白鶴呼
為僕春雲剪作袍路迂三屈曲樂奏八瑯瑤仙境頻年
樂塵寰盡日勞獨憐揚子宅白首續離騷

無題

鳳輦朝遊繡嶺宮村花野柳笑春風自懷白璧無田種
莫信蓬山有路通孤館暮雲迷舊夢閒庭小雨落殘紅

貞元朝士知誰在一曲琵琶月正中

秋懷

落木西風白鴈飛阿誰中夜泣牛衣栖遲泉石無身累
悵望鄉關有夢歸痛飲不妨人共醉閒情應與世相違
燈前莫舞馮驩劍極目天涯已夕暉

江漢

江漢同流接混茫蕭蕭蘆荻鴈南翔姓名不到公卿府
泉石喜遊君子鄉青眼昔年羞阮籍白頭今日老馮唐

思鄉懷古渾閒事
釀酒椎牛興自長

送張別駕致仕還漢陽

長江東走七千里
獨駕艤船破浪行
春滿漢陽花半吐
雲收衡岳雨初晴
三年作宦青霄立
一夜思鄉白髮生
今日臨岐無那別
渭城那敢唱新聲

荒郊秋望

塞垣孤鴈又南翔
老去驚看歲月忙
雲捲鞦韆鷹擒狡兔
風追獵犬搏貪狼
霜前楊柳無多葉
雨後蒹葭幾許長

日短江東聊極目欲強筋骨走殊鄉

送蘓正回海昌分得園字

殘雪初消漲水痕故人南去惜離樽孤舟江上難為別
芳草天涯易斷魂雲冷關山千里道月明砧杵幾家村
此行正及梅花發看盡春光到故園

送劉草窓原博北上

筦庫誰憐有俊才買舟今日上燕臺繞堤江鷺對人語
千樹野桃當午開使者再來顏闔去箭書初下魯連回

煩君此別須珍重莫遣兒童浪自猜

題陶元亮五柳圖

所事既非主不歸將若何門前五株柳空惹北風多

春江曲

潮來江水平潮去江水落安得蕩子舟撐上沙灘閣

買妾言

使君自有婦買奴將若何樂府新成譜教奴夜夜歌

春曉

春陽未出海春風已到樓忽聞啼鳥喚忙整玉搔頭

秋風引

昨夜秋風至庭前落葉多遙憐未歸客相見欲如何

少年行

手折章臺柳眼盼梨園花春風故相妬先到阿侯家

怨詞

明月流素光夜坐彈紅桑斷絃彈不得抱訴小秦郎

商婦詞

昨上九江船今駕平原車愁山復愁水不寄一行書

寒食夜

細柳垂秦苑棠梨出漢宮可憐寒食夜空自怨春風

春行

江閣雲籠樹溪流花泛花相逢浣衣女不敢問誰家

春狹詞

鬪鷄走犬出長楸挾彈彎弓報宿讎昨日相逢李都尉
百花叢裡擘箜篌

金鞍赤馬紫羅袍
錦索銀棚揜佩刀
不道黃鶯解人意
隔花偷啄白櫻桃

題梁楷畫鍾馗

虎口蚪鬚真可恠
如何不解縛人妖
偷花竊笛渾閒事
忍見三郎萬里橋

題唐明皇遊月宮圖

嫦娥不是人間客
月殿應非世上宮
當日君臣俱涉夢
漁陽特地起西風

竹枝詞

郎在船頭學棹歌
妾在船稍唱採荷
喚郎不應郎心別
亦似江流無定波

春宮曲

豈惹花開蛺蝶飛
晚粧樓上換新衣
吳王不解琵琶怨
只道新傳緩緩歸

寄春曲

遊絲不繫白日墜
精衛難填東海平
一點春心逐君去

柳花飛不到遼城

漢宮秋怨

木槿芙蓉繞曲闌
露珠斜墜覺衣單
傳呼不用輕羅綺
未必人人似妾寒

先君子所著有務本齋集若干卷
今樵林摘稿乃就其中所自選者也
第以平日議論甚遠故其去取甚嚴
嘗謂誼曰楊仲弘自言作詩取才於漢魏而音律則以唐人為宗
觀其集也未必盡合而斯言則可為

法誼故舉此以為觀是稿者之告成化八年歲次壬辰冬十二月上澣男蔣誼泣血百拜謹識

石倉歷代詩選卷四百八十八